



Fjármála- og efnahagsráðuneytið
Arnarhvoli
150 Reykjavík

Reykjavík, 7.10 2019
Tilvísun: 2019010-0003

Efni: Athugasemdir ASÍ vegna áforma um frumvarp til laga um breytingar á lögum um erfðafjárskatt, nr.14/2004 - mál nr. 242/2019 í Samráðsgátt stjórnvalda

Málið varðar áform um breytingar á lögum um erfðafjárskatt sem miða að því að þrepaskipta erfðafjárskatti þannig að greitt verði 5% af allt að 75 milljónum króna og 10% af því sem umfram er. Þá verði fjárhæðarmörkum skattþrepa breytt árlega til samræmis við vísitölu neysluverðs. Erfðafjárskattur er í dag 10% af skattstofni dánarbús umfram 1,5 milljón króna. Áætlað er að breytingin lækki tekjur ríkissjóðs um 2 milljarða króna á ársgrundvelli en tekjur af erfðafjárskatti eru í frumvarpi til fjárlaga fyrir árið 2020 áætlaðar 5,2 ma.kr sem miðar við óbreytt lög.

ASÍ telur erfðafjárskatt skilvirka og réttláta leið til tekjuöflunar sem vinnur gegn ójöfnuði og óæskilegri samþjöppun auðs milli kynslóða. ASÍ telur engin rök mæla með lækkun erfðafjárskatts líkt og áformað frumvarp gerir ráð fyrir. Þá áréttar ASÍ afstöðu sína um að þegar hafi verið of hart gengið fram í að rýra tekjustofna ríkisins og rekstur ríkissjóðs er samkvæmt fyrirbyggjandi frumvarpi til fjárlaga í járnum á komandi ári. Frekari lækkun á tekjum, líkt og hér er lögð til, mun því að óbreyttu kalla á enn frekara aðhald og niðurskurð í opinberri þjónustu.

Virðingarfyllst,

Henný Hinz
hagfræðingur ASÍ